



NUKISSIORFIIT

INNAALLAGISSAMIK, IMERMIK

AAMMA KIIASSARNERMIK

tamanik pilersuinerminni

**TUNINIAANERMI PIUMASAQAAT
NALINGINNAASUT**

Nr. 11, 15.07.2026 -mit atuutilersut

Aallaqqaasiut

Nukissiorfiit tuniniaanerminni piumasaqaataat tassaapput innaallagissamik, imermik kiassarnermillu tuniniaanermi pilersuinermilu sullitap Nukissiorfiillu akornanni inatsisitigut tunngavissatut uppersaarsaatit pingaarutillit. Sullitap tuniniaanermi piumasaqaatit taamatullu pilersuinermi piumasaqaatit qanoq imaqaarnersut nalunngittariaqarpai.

Sullitap aamma Nukissiorfiit qaqugukkulluunniit inatsisit, peqqussutit, nalunaarutit innersuussutit assigisaalu atuuttut malittussaavaat. Taakkunannga tulluuttuni makkua immikkut erseqqissaatigineqassapput:

- Kiassaateqarfinnut innaallagissamit kiassarneqartunut erngup nukinganik nukissiorfinnit attavilersinnissamik pisussaanermut tunngasoq pillugu Inatsisartut peqqussutaat nr. 2, 31. oktober 1991-imeersoq aamma Inatsisartut peqqussutaat nr. 3, 16. maj 2008-meersoq
- Innaallagissamut ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorlutik Oqartussat nalunaarutaat nr. 21, 12. december 2019-imeersoq
- Innaallagiasq sakkortooq atortullu innaallagiatortut pillugit Inatsisartut peqqussutaat nr. 12, 3. november 1994-imeersoq (2019-imi allannguuteqartoq)
- Innaallagissamik pilersuinermut atortunut atortunullu allanut atassusiinermut malittarisassat aalajangersarneqarnerat pillugu Namminersornerullutik Oqartussat nalunaarutaat nr. 13, 11. juni 1996-imeersoq ("Ataatsimut malittarisassiaq, Innaallagiatortunik atortunullu atassusiineq" (FR), kalaallisut ilassut ilanngullugu)
- Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13, 6. november 1997-imeersoq
- Namminersornerullutik Oqartussat aamma Kalaallit Nunaanni Kommuneqarfiit Kattuffiat, kommunit nunaqarfinni innaallagissamik imermillu pilersuinerup Namminersornerullutik Oqartussanit isumagineqalerneranni Isumaqatigiissutissatut Tunngavissiaq, 1. januar 1998-imeersoq
- Nukissiornermik pilersuineq pillugu Inatsisartut peqqussutaat nr. 14, 6. november 1997-imeersoq (2007-imi aamma 2017-imi allannguuteqartoq)
- Imermik pilersuineq pillugu Inatsisartut peqqussutaat nr. 10, 19. november 2007-imeersoq
- Erngup imigassap pitsaassusia aamma imermik pilersuiviit nakkutigineqarnerat pillugit Namminersorlutik Oqartussat nalunaarutaat nr. 63, 4. november 2021 -meersoq
- Nukissiuutinit ataavartunit innaallagissamik sinneruttumik suliffeqarfinnut pilersuisuusunut pilersuineq tunisisarnerlu pillugit Namminersorlutik Oqartussat nalunaarutaat nr. 21, 9. december 2013-imeersoq (nammineerluni tunisassiornermut nalunaarut)

- Innaallagissamut, imermut ataatsimoortumillu kissarnermut il.il. akigititanik aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersoq
- Aningaasanut Inatsimmi qaqugukkulluunniit atuuttumi Nukissiorfiit pillugit oqaasertaliussat aamma missingersuutitut killiussat

Imarisai

1. Aallarniutitut aalajangersakkat.....	5
2. Atuisunngorneq, atuisuujunnaarneq nuunnerlu.....	10
3. Uttortaaneq nalunaarsuinerlu.....	13
4. Akiliinerit akiligassallu akilinngitsuukkat	17
5. Innaallagissamik pilersuinermi akigititat aalajangersaanerillu.....	21
6. Akigititat imermillu pilersuinermit aalajangersakkat	23
7. Ungasianit kiassarnermik pilersuinermi akigititat aalajangersakkallu	26
8. Ataavartumik nukissiornermut atortut: Akigititaq attavilerneqarnermullu akileeqataassut	28
9. Akisussaaffik	30
10. Saaffiginnissuteqarneq	32
11. Maalaarfissaq	32

1. Aallarniutitut aalajangersakkat

Sullitat immikkoortinnerat

1.1

Sullitatut ima paasineqartarpoq inuk, suliffeqarfik imaluunniit inatsisitigut akuerisaasumik attavilersunniarluni nalunaarsimasoq.

Nukissiorfinnit sullitat sullitanut immikkuutaartunut marlunnut avinneqarsimapputit, innaallagissamut imermillu akigititanik assigiinngitsunik akiliisinneqartartut. Kiassarnermut akiliinissamut piumasaqaatit sullitanut immikkuutaartunut marlunnut taakkuusunut assigiipput.

Sullitani 1-it

1.1.1

Sullitani 1-it tassaapput namminersortut aamma pisortat suliffeqarfiutaanni atuisut kiisalu inuussutissarsiortut, innaallagissamik imermillu pilersorneqartut, akit nalinginnaasut malillugit.

Sullitani 2-t

1.1.2

Sullitani 2-t tassaapput aalisakkanik suliffissuit nunamiittut, tassalu inuussutissarsiutigalugu tunisassiorfiit kaaviiartitaasa 50 %-ii sinnerlugit aalisakkanik qalerualinnillu tunisassiornerminni tunngavillit. Tunisassiorfik tassaavoq aalisakkat qaleruallillu tunineqartarfiat imaluunniit suliarineqartarfiat.

Sullitani 2-mi innaallagissamik imermillu pilersuineq taamaallaat tunisassiornermut aalajangersimasumut atugassiaavoq, suliffeqarfiulli suliassanut allanut innaallagissamik imermillu atuinera sullitani 1-imiittutulli akiligassiissutaasarpog. Atuineq pillugu takussutissiaq sullitani 1-imi 2-milu akigitinneqartut naapertorlugit akilersuinermit takussutissiisoq Tabel 1-imi takuneqarsinnaavoq.

Sullitani immikkuutaartuni 2-mi akiligassinneqartassagaanni aalisakkanik suliffissuit nunamiittut ataasiakkaat qulakkiigassaraat attavilerneqarnermi tunisassiornerup suliassallu allat immikkoortinneqarsimanissaat. Sullitani 2-mi najoqqutassat malillugit akiligassinneqassagaanni atuisutut uppersarsarneqarsinnaasariaqarpoq attavilerneqarsimanerit immikkoortinneqarsimanissaat 1-imut 2-mullu.

Tabel 1

	Tunisassiorneq (Sullitani 2-mi)	Suliassat allat (Sullitani 1- imi)
Saliineq	X	
Suliarinninneq	X	
Tunisassiorfimmik eqqiaaneq	X	
Qerinasuartitsineq	X	
Tarajorterineq	X	
Panersiineq	X	
Poortuineq	X	
Sikuliorneq		X
Imermik tarajuusumik tunisassiornermut atugassamik suliaqarneq		X
Misissuisarfik		X
Qerititsivik		X
Quersuaq		X
Kivittaassuit		X
Sannavik		X
Nerisarfik		X
Allaffik/Aqutsisoqarfik		X
Sulisunut inissiat/Inigititaagallartut		X
Suliassat allat		X

Nunami aalisakkanik suliffissuit ataasiakkaat Nukissiorfiillu akornanni qinnuteqaateqarnikkut immikkut isumaqatigiissusiortoqartarpoq nukissamut atuinerpaaffissamullu tunngasumik kiisalu pilersuiffiusuni ataasiakkaani nalunaaquttap akunneranut imermik qanoq atuitiginissaq pillugit, tamannalu pisussaavoq innaallagissamik imermillu pilersorneqalernissaq sioqqullugu.

Innaallagissamik imermilluunniit amigaateqartoqartillugu imaluunniit taakkua amigaataalersinnaanerit ilimanarpat, Nukissiorfiit nunami aalisakkanik suliffissuarnut ataasiakkaanut allaganngorlugu nalunaarutigissavaat innaallagissamik imermillu atuinermik killilersuisoqalissasoq.

Innaallagissamik imermillu pisariaqartitsinerusoqarpat nunami aalisakkanik suliffissuup uppersassassavaa nukissanik qanoq

pisariaqartitsilerumaarnissani, attuumassuteqartumik tunisassiornermut atatillugu pisariaqartitsini nalunaarutigalugu.

Nukissiorfiit piumasarisinnaavaat nunami aalisakkanik suliffissuup aalisakkanik suliffissuarnut akigitinneqartoq malillugu akilersuinissamut pisinnaatitaasoq allaganngorlugu uppersaammik Nukissiorfinnut nassitsinissaa, isumaqatigiissutinik eqquutitsinissamut tunngatillugu.

**Imermut tankinut
pajuttorneq**

1.2

Illut aamma pisortat pigisaannut imertartarfinnut imermik pajuttarneq taamaallaat illoqarfinni nunaqarfinnilu aaqqiissuussiffigineqareersuni atuuppoq.

Imermut tankimut pajuttuineramik unitsitsinermi Nukissiorfiit pajuttittarnissaq pillugu nutaamik nalunaarneq itigartissinnaavaat, takuuk imm. 1.2.1.

*Imermik
kuutseriaannarmik
atuinerunissaq*

1.2.1

Nukissiorfiit sullitassanik nutaanik imermut tankilinnik tigooraajunnaarpoq, sumiiffinni pineqartuni imermut aqqutilinni, erngup pitsaassusiata pitsanngorsarnissaa sulissutigineqarmat.

Nukissiorfiit illoqarfinni nunaqarfinnilu imermut tankinut imermik pajuttuineq unitsissinnaavaa imaluunniit tamatuma ilaa, atuisut imermik pilersorneqarnerminni allatut aaqqiissutissamik neqeroorfigineqarsimappata.

Aaqqiissutissat allat taakkuusinnaapput illuutit erngup aqqutaanut pingaarnermut qanittumiittumut attavilerneqarnera, ingerlatsivimmut namminersortumut imermik pajuttarnerup ilanngunneqarnera niuernermini atugassarititaasut tunngavigalugit imaluunniit imertartarfinnut imertartalernissaq. Imermik pilersorneqarnermi aaqqiissutissatut periarfissat piuppata Nukissiorfiit namminneq aalajangersinnaavaat imermik pajuttuisarunnaarnissartik, piffissaliillutik ukiumillu ataatsimik sioqqutillutik kallerreereernerminni. Nukissiorfiit pisinnaatitaapput, Naalakkersuisut akuersiseqqaanngikkaluarlugit illoqarfinni nunaqarfinniluunniit imermik pajuttuisarnermik unitsitsissallutik, atuisutut nalunaarsimasut 20-nit ikinneruppata.

Nukissiorfiit imermik pajuttarneq ingerlatsivimmut namminersortumut ingerlatassanngortissinnaavaat, tankilimmik biililimmut, niuernermini atugassarititaasut tunngavigalugit, sumiiffinni Nukissiorfiit imermik pajuttortarnerup taamaatinniisaanik pilersaaruteqarfiusuni.

Nukissiorfiit toqqarsinnaavaat imermut tankinut imermik tunisinissartik, erngup aqqutaa ukioq naallugu atorneqartartoq, Nukissiorfinnit pigineqarlunilu aserfallatsaaliorneqartartoq aqqutigalugu. Imeq tankimut pajugutigineqartoq immikkut akilorneqartassaaq, tak. akigititat atuuttut nalunaarsorneqarsimaffiat. Illumi taamatut pilersorneqartumi atuisup pisussaaffigaa qerisoornaveeqqutip innaallagissamoortup imermillu pilersuiffimmut atasup, akilernissaa.

Piffissaq pajuttarfiusoq

1.2.2

Sullitamut imermik pajuttarneq nalinginnaasoq pisassaaq ulluinnarni nal. 08.00-ip aamma 16.00-ip akornanni.

Nukissiorfiit imermik pajuttuineq pilersaarusiortarpaa, pisariaqartitsineq naapertorlugu.

Tankip angissusia

1.2.3

Imermut tankit nutaat minnerpaamik 1200 literimik angissuseqassapput immerneqarsinnaassuseqassallutillu 1000 literimik.

Tankit 1000 literimik mikinerusut kiisalu 2000 literimik anginerusut pillugit illumut attavilerneqarneranni akiliutip annertussusissaa pillugu immikkut isumaqatigiissuteqartoqassaaq, biiliniq assartuinermi aningaasartuutaavissut assinganik.

Imertartarfiit imiisiviillu

1.3

Nukissiorfiit sumiiffinni imertartarfiliortarput. Imertartarfiit tassaapput imermik maqitsisarfiit, atuisunit atorneqarsinnaasut, erngullu aqqutaanut pingaarnernut attaveqartut, Nukissiorfinnit pigineqartut, pilersinneqartartut imaluunniit ingerlanneqartartut.

Imiisiviit pisortanit ingerlanneqartut tassaapput imermut tankeqarfiit maqitsisarfiit tamanut atugassiat, erngup aqqutaanut pingaarnernut attavilerneqanngitsut. Imiisiviit tamanut atugassiat kommunip pigisarai aserfallatsaaliortarlugillu, taamaallaat Upervaviup illoqarfia minillugu, tassani imiisiviit Nukissiorfinnit pigineqarlutillu aserfallatsaaliorneqartarmata. Imiisiviit tamarmik Nukissiorfinnit imermik pilersorneqartarput.

**Akigititanik
aalajangersaasarneq**

1.5

Nukissiorfiit innaallagissamut, imermut kiassarnermullu akiligitaasa atuutilersinneqannginneranni Naalakkersuisut akuerseqqaartartussaapput, tak. Nukissamik pilersuineq pillugu Inatsisartut peqqussutaat nr. 14, 6. november 1997-imeersoq (kingusinnerusukkut allannguuteqartinneqartoq) aamma Imermik pilersuineq pillugu Inatsisartut peqqussutaat nr. 10, 19. november 2007-imeersoq.

Akigitinneqartunik akuersissuteqarneq pisarpoq Inatsisartut tunngavissatut aalajangersagaat naapertorlugit, taakkua aalajangersarneqartarlutik Aningaasanut Inatsimmi oqaasertaliussani kiisalu Namminersorlutik Oqartussat innaallagissap, erngup ataatsimoortumillu kiassarnerup il.il.nalunaarutaat tunngavigalugit.

**Innaallagissamik
imermillu atuinerup
killilersorneqarnera**

1.6

Taarsiiffigitinnissamik piumasaqarfiusussaannngitsumik Nukissiorfiit aalajangersaasinnaapput innaallagissamik imermillu atuinerup killilersorneqalernissaanik imaluunniit taakkununga tunngasut ilaannik. Killilersuinissaq pissaaq Nukissiorfiit nalilerpassuk innaallagissamik imermillu pilersuinerup ingerlarnga imaluunniit pilersuisinnaassutsip pisariaqartinneqartup imeqassutsillu tamanna pisariaqartilerpagu.

Nukissiorfiit aalajangissavaat suliffeqarfinni innaallagissamik imermillu atuisorujussuarni aammalu siunertanut allanut atuineruffiusussanut qanoq annertutigisumik pilersuisoqarsinnaanersoq.

Malugeqquneqarpoq nunaqarfinni atuinermik killilersuinerit suli atuummata, tak. Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaanni nr. 13,-imi 6. november 1997-imeersumi § 4, imm. 3.

**Ikkussorneqarsimsut
tikinneqarsinnaaneri**

1.7

Immikkut ittumik pisoqartillugu innaallagissap, erngup kiassarnermullu atortut attavilerfii illuutiniittut takusarneqarsinnaaneriisa qulakkeerneqarnissaa Nukissiorfiit pisariaqartippaat, allatut ajornassappat akiliisitsisarnermut eqqartuussivik aqutigalugu. Tamanna pisariaqalersinnaavoq aarlerinartumik pisoqartillugu suliaqarnermi, pilersuinermut tunngasuni imaluunniit atortunik aallerniarluni, assersuutigalugu uuttuutunik Nukissiorfinnut utertinneqarsimanngitsunik.

**Nukissiorfiit
tuniniagaannik
tuniniaaqqittarneq**

1.8

Nukissiorfiit tuniniagaannik allaganngorlugu isumaqatigiissuteqarsimanngikkaanni tuniniaaqqinneq inerteqqutaavoq.

Tuniniaaqqinnermi Nukissiorfiit akigititaat qaqugukkulluunniit atuuttut immikkut allassimatillugit saqqummersinneqarsimasussaapput.

2. Atuisunngorneq, atisuujunnaarneq nuunnerlu

Atuisunngorneq

2.1

Nukissiorfinni atuisunngorniaraanni tunisassiaanillu ataatsimik arlalinnulluunniit attartortuuniaraanni najukkanni attavilerfissat nalunaarutigissavatit. Atuisunngornermi atisuujunnaarnermilu atuisutut nalunaarneq nammineq nalunaaruteqarnikkut pisarpoq akeqangitsumik, una aqqutigalugu

<https://kundeportal.nukissiorfiit.gl/> Nukissiorfiit akigititaminnik atuuttunik allattorsimaffiisigut atuisunngornermi atisuujunnaarnermilu akiliutit atuuttut atuarsinnaavatit. Nukissiorfiilli biilnut innaallagissamoortunut imaluunniit hybridinut innaallagissamik immiisarfiini atuisunngornissaq Nukissiorfinnut saaffiginnikkut pissaaq.

Atuisunngorluni nalunaarneq atisuujunnaarnermik nalunaaruteqarnerup kingunitsianngua pissaaq. Atuisunngornermik nalunaarneq atisuujunnaarnermik nalunaaruteqarsimanerup nalunaarsorneqarnera pinngitsoq atuutilersimappat, imaluunniit piffissamik matussuserneqarsimanngitsumik peqarpat, Nukissiorfiit missingiutissavaat ulloq sorleq atuisutut nalunaaruteqarfiussanersoq. Nikingassutaasoq ullunik 31-nik siviluneruppat, atuisoq atisuujunnaartorlu attavigineqassapput.

Nukissiorfiit atuisunngorniartumik itigartitsisinnaapput siusinnerusuklut akiligassanik akilinngitsuukkanik peqarpat imaluunniit Nukissiorfinnut isumaqatigiissutinik piusunik peqarpat. Taamaattoqartillugu akiitsut akilerneqareerpata aatsaat atuisutut nalunaartoqarsinnaavoq.

Atisuujunnaarneq

2.2

Atuisoq attartukkamik ataatsimik arlalinnulluunniit atassusikkanik atisuujunnaarnerminik nalunaaruteqarsinnaavoq. Uuttuutunik atuisunngorneq atisuujunnaarnerlu akiliutitaqanngitsumik ugguuna nalunaarutigineqarsinnaavoq:

<https://kundeportal.nukissiorfiit.gl/>

Nukissiorfiit akigititaasa allattorsimaffianni atuuttumi atuisunngornermi atisuujunnaarnermiluunniit akiliutaasinnaasunut tunngasut sukumiinerusumik atuarsinnaavatit.

Atortunik attavilikkanik atisuujunnaarneq (rit)qaammat ataaseq sioqqullugu kallerriutigineqarsimassaaq. Qaammammit ataatsimit sivikinnerusumik atisuujunnaarneq pippat, atisuujunnaarneq ullulernerqassaaq taassumalu assigissavaa

ulloq atuisuujunnaartutut nalunaaruteqarfiusoq qaammammik ataatsimik sioqqullugu. Immikkut ittumik pisoqartillugu Nukissiorfiit naliliisinnaapput atuisuujunnaartutut nalunaarneq qaammammik ataatsimik sioqqutsilluni pissanersoq.

Nuunneq

2.3

Immikkoortoq 2.2 innersuussutigineqassaaq, tassani allassimammamat atuisoq qanoq iliorluni atuisuujunnaarnerminik nalunaaruteqassanersoq immaqalu atuisutut nutaatut qanoq iliorluni nalunaaruteqarsinnaanersoq.

Pisussanngortitaaneq

2.4

Sullitaq atuisutut nalunaarnermigut pisussanngortarpoq ullorlu atuisuulerfini aallarnerfigalugu atuinini tamaat pisussaaffigilerlugu, atuisuujunnaartutut nalunaarnermi tungaanut imaluunniit atuisup nutaap atuisutut nalunaaruteqarneratigut.

Inissiat attartortittakkat pineqartillugit attartortitsisoq akisussaassuuvoq isumagisassaralugillu piumasaqaatit aammalu atuisutut atuisuujunnaartutullu nalunaaruteqartarnerit eqqortumik najoqqutassiortassallugit, Nukissiorfiit tuniniaanerminni piumasaqaataat atuuttut malillugit aamma atuisutut atuisuujunnaartutullu nalunaarnermi ullut eqqortut malillugit. Inissiamik attartortut nikinnerini piffissap ilaani kikkut atuisuunerinik nalunaaruteqarsinnaannginnermi attavinnik atuisoqarsimasinnaanera attartortitsisup pisussaaffigisussaavaa. Inissiamik piginnittup attartortup nuunneranut atatillugu attavilikkamut atuisoqarnissaa kissaatiginngippagu, uuttuut qaminneqassaaq.

Atuinnermut uuttuummik peersineq

2.5

Atuisuujunnaartutut nalunaarneq Nukissiorfinnut apuuppat ilutigisaanillu atuisumik nutaamik nalunaartoqarsimanngippat Nukissiorfiit pisinnaatitaapput atuisuujunnaarnermut ullorititaasup kingorna imaaliussallutik:

- pilersuinertik unitsillugu uuttuullu kingusinnerpaamik ullut 210-t qaangiunneranni peerlugu, tak. Imm. 4.5.2.
- Nukissiorfiit pilersuiffiat peerlugu, atuisup attaviliinnermut atatillugu pilersissimasaa, taamaaliornissamut pissutissaqarluarpat.

Nukissiorfiit akiligassamik nassitsisarput, tak. Nukissiorfiit
uuttuutiniik peersinermut atatillugu akigititaannik atuuttunik
allattorsimaffik.

3. Uttortaaneq nalunaarsuinerlu

Nalunaarsuinermut uuttuutit

3.1

Illuutini piginnittut Nukissiorfinnit innaallagissamik, imermik kiassarnermillu pilersorneqartut pisussaapput uuttuutini ikkussuissallutik, illuummi atuinermik nalunaarsuisoqarsinnaaniassammat. Imermut kiassarnermillu uuttuutit Nukissiorfinnut piniarneqarsinnaapput isumaqatigiissusiorlunilu. Innaallagissamut uuttuutit Nukissiorfinnit ikkussuunneqartarput isumaqatigiissuteqarnikkut.

Nukissiorfiit innaallagissamut, imermut kiassarnermillu uuttuutini piginnittuupput, aserfallatsaaliusuupput nakkutilliisuullutillu.

Nukissiorfiit namminneq innaallagissamik atuinermut uuttuutini ikkussuisarput. Imermut kiassarnermillu uuttuutit VVS-mesteri akuersisummik pigisalik isumaqatigiissuteqarfigalugu pissarsiarineqartarput. Uuttuutit Nukissiorfinnit akuerisaasut kisiisa atorlugit atuineq nalunaarsorneqarsinnaavoq.

Sullitap atuinerup saniatigut uuttuutigisinnaasai/immikkoortiterinermut uuttuutai Nukissiorfiit susassarinnigilaat. Uuttuutit taakku saniatigut uuttuutit/immikkoortiterinermut uuttuutit suuneri erseqqisummik nalunaarsimassapput, paarlaasisoorsinnaaneq pinngitsoortinniarlugu.

Atuinermut uuttuutit iserfigineqarsinnaaneri il.il.

3.2

Nukissiorfiit malittarissanik aalajangersaasinnaavoq uuttuutit sumut inissinneqarsimanissaat pillugu, ataatsimoortumik maleruagassat atuuttut saniatigut. Illuummik allanngortiterisoqartillugu uuttuutitut isersinnaannermut tunngasut kiisalu taakku inissisimaffissai Nukissiorfiit malittarisassaat malillugit pisussaapput.

Uuttuutit inissinneqarsimassapput tikeriaannanngorlugit, ajornaatsumik atuarneqarsinnaasumiissallutik aammalu taarsigassanngorsinnaaneri eqqarsaatigalugit.

Kinaassutsimut uppersaasat atorlugu Nukissiorfiit atuinermut uuttuutini immaqalu iluarsartuussiartorsinnaassallutiki uuttuutinilluunniit taarsiartorsinnaassallutik. Sullitap uteqqiattumik Nukissiorfiit saaffiginnissutaat qisuariarfiginngippagit

Nukissiorfiillu isersinnaanerak akornusersorlugu tamatuma kinguneranik Nukissiorfiit pilersuinertik unitsissinnaavaat, soorlu akiitsunik akiliinngitsoornermi periutsit atuuttut malillugit, tak. Immikkoortoq 4.4.

Uuttuummik nuussineq

3.3

Illuutip sanaqqinnerani imaluunniit allatut atorneqalernerani uuttuut innarluttumik inissinneqarpat, nakkutilliinissaq atuaanissarlugu pisariusunngorlugu, Nukissiorfiit pisinnaatitaapput sullitamut (illumik piginnittumut) piumasaqassallutik uuttuutip nuunneqarnissaanik, sullitap (illumik piginnittup) akiligaanik.

Ungasianit atuaasarneq

3.4

Nukissiorfiit atuinermut uuttuutini ungasianit atuarneqartartunik ikinnerpaamik qaammammut ataasiarlutik atuaasarpit.

Qanoq atuitigineq malinnaaffigineqarsinnaavoq Nukissiorfiit nittartakkakkut atuisunut sullissiviatigut.

Paasissutissanik atuinermut tunngasunik kissaateqartoqarpat taakku tunniunneqarsinnaapput, Nukissiorfiit akigititat malillugit akiliutinut takussutissiai tunngavigalugit.

**Illuummi annaasaqaatinik
nalunaarsuisoqanngitsillugu**

3.5

Illuummi ataatsimoortarfinni innaallagissamik, imermik kiassarnermillu annaasaqaatit nalunaarsorneqarsimanngippata, inissisimaffiit killiini atuneq uuttortarneqarsinnaanani taamalu akiligassiisutigineqarsinnaanani, Nukissiorfiit akiligassiisinnaapput imaluunniit illuummi atuisut ataasiakkaat akiliutaannik nalinginnaasumik qaffaanikkut.

Uuttuut ajoqusersimatillugu

3.6

Qanoq atuitiginermut uuttuut tammarpat, aserorpat ajoqusersimappalluunniit atuisup Nukissiorfinnut taarsiinissani pisussaaffigaa.

**Uuttuutip ajoquteqarneranik/
ajoqusersimaneranik
nalunaartussaaneq**

3.7

Atuisup pasitsaappagu uuttuutip ajoqusersimanera, uninngaannalersimappat imaluunniit kukkusumik nalunaarsuilersimappat, sullitap pisussaaffigaa tamatuma piaartumik Nukissiorfinnut nalunaarutiginnissaa.

**Uuttuutip nikingannginnissaa
misissuinerlu**

3.8

Atuinermut uuttuut ikkussorneqarsimasooq

misissorneqarsinnaavoq sullitap taamatullu Nukissiorfiit piumasaqarneratigut. Takusaanermi uuttuut 5 %-imik nikingappat imaluunniit ataallugu, uuttuutip takussusiinera eqqortuussaaq, taamalu sullitap pisussaaffigaa atuinertut nalunaarsorneqarsimasunik akiliinissani. Taamaattoqartillugu sullitap misissuinermit akiliut akiligassaraa, tamatumani uuttuummik misissuisitsinissaq sullitap piumasarisimappagu.

Nikingassutaasup 5 %-i qaangersimappagu misissuinermit aningaasartuutit Nukissiorfiit akilissavaat atuinermullu nalunaarsuinerit kukkusut iluarsiiiffigalugit.

**Atuinermit uuttuut
kukkusumik
nalunaarsuippat**

3.9

Paasineqarpat atuinermit uuttuut kukkusumik takutititsisoq periarfissaqanngitsorlu atuinerup eqqortup takutinnissaanut, piffissami atuiffiusumi kukkusumik takutitsiffiusumi Nukissiorfiit naliliissapput. Naliliinissamut tunngaviussapput ukiuni siuliini qanoq atuisimaneq kiisalu sullitamit atortutut attavilersorsimasinnaasat pillugit paasissutissat piffissamilu pineqartumi atuisimaneq.

**Uttuutip kukkuneqar-
nerani akiligassanut
iluarsiissuteqarneq**

3.10

Uttuutip kukkuneqarnerani, kukkusumik atuaanermi, atuinermit naatsorsuinermit assigisaanillu pisoqartillugu Nukissiorfiit sullitamut iluarsiiissutisitsisarpaq, sullitaq atuinerminut akiliivallaarsimappat. Akerlianik Nukissiorfiit akileeqqusissuteqarsinnaapput sullitaq atuinerminut akiliisimanngippat.

Akiliutitut iluarsiiissutisitsisoqarsinnaavoq piffissamik kukkusoqarsimanera uppersarnerqarsinnaappat sivilunerpaamilli sullitap ullormi kukkunermik paasisaqarfianiit ukiut tallimat tikillugit imaluunniit paasisaqarfigisimasassaraluanu imaluunniit ulloq Nukissiorfiit kukkunermik paasisaqarfiat aallarnerfigalugu.

Sullitap atuinermit uuttuutip ajoquteqarsinnaanera malugiguniuk taamalu kukkusumik akiliisinnegarluni, pisussaavoq piaarnerpaamik tamanna pillugu Nukissiorfinnut paasissutissiissalluni.

Aqerlorterinerit

3.11

Sullitap uuttuut serlersaarfigissanngilaa, tassunga ilanngullugit aqerlortikkamik peersineq imaluunniit uuttuutip atuuffianik sunniuteqarfiginninniarnaq. Serlersaarsimaneq pissutigalugu misissuinermit iluarsartuussinermullu imaluunniit uuttuutip taarserneqarneranut aningaasartuutit sullitap akiligassarai.

Sullitap atuinermut uuttuummi parnaarsaataa aqerlortigaq aserorsimasinnaanersoq nakkutigisariaqarpaa, pingaartumik iserternermi imaluunniit pilersuinermit tunngatillugu pioreersunik allatut tigusinermut atatillugu.

Parnaarsaatinik aqerlortikkanik aserortoqarsimappat imaluunniit aseruariartoqarsimappat tamanna piaartumik Nukissiorfinnut nalunaarutigineqassaaq.

**Uttuutit sanaartorfinniit-
tut/uuttuutaagallartut**

3.12

Sanaartortoqarnerani, nutaamik sanaartornermi sanaartorfiusunilu atuineq uuttortarniarlugu sanaartornermi uuttuutini ikkussuvisoqassaaq.

Uttuutitut sanaartorfinniittunut qularnaveeqqummik akiliisitsisoqassaaq aamma uuttuummik atuinermut akiliummik, tak. Nukissiorfiit akiliutitut allattorsimaffiat atuuttoq.

Sullitap uuttuut ikkussiffimmiittutut nalunaarsorneqarsimasoq piiginnarsinnaanngilaa. Uuttuummik peersineq tillinniarnertut isigineqartussaavoq politiinullu nalunaarutigineqarluni.

**Nukissamik ataavartumik
namminersortut tuninia-
gaannik uuttortaaneq**

3.13

Nukissiorfiit innaallagiaqarfiannut sullitat nukissamik ataavartumik tuniniaarusuttut malitassaraat nukissamik nioqqusiorfinni uuttuutit qanoq ikkussuunneqarnissaat pillugit Nukissiorfiit innersuussutaat. Taakkua nassaarineqarsinnaapput Nukissiorfiit nittartagaanni: www.nukissiorfiit.gl.

4. Akiliinerit akiligassallu akilinngitsuukkat

Akiligassat	4.1 Nukissiorfiit qaammammoortumik atuinerpianut akiligassiisarput. Immikkut ittumik pisoqartillugu Nukissiorfinnut pisariaqalersinnaasarpog atuinermik missingiussineq akiligassiinerlu.
Akiligassanut akiliutit	4.2 Nukissiorfiit akiligassanik suliaqarnerminnut atatillugu akiliuteqartitsisisinnaapput, tak. Nukissiorfiit akiliutitut nalunaarsuiffia atuuttoq.
<i>Allaffissornermut akiliut</i>	4.2.1 Nukissiorfiit akiligassanik suliaqarnermut akiliutitik akileeqquisinnaapput.
<i>FIK atorlugu akiliinermut akiliut</i>	4.2.2 Nukissiorfiit ingerlaannartumik akiliisinnaanermut ilanngussimanngitsunut akiliuteqartitsisisinnaavoq.
<i>Akiligassanut naqitamut akiliut</i>	4.2.3 Akiligassamik tigussaasunngortitsinerit tamaasa Nukissiorfiit immikkut akiliuteqartitsisisinnaapput.
Akiliiffissaq kingulleq, eqqaasitsinermut akiliut erniallu	4.3 Akiligassanut akiliiffissaq kingulleq akiligassiinermit nalunaarutigineqartarpoq. Sullitaq akileereerfissaq ullunik 30-nik qaangerlugu akiliippat Nukissiorfiit ernialiisinnaapput, ernialiisarnermut inatsit malillugu. Sullitaq piffissarititaasoq malillugu akiliinngippat, Nukissiorfiit eqqaasitsissummik nassitsissapput. Eqqaasitsissummi ulluliussaq malillugu akiliisoqarsimanngippat Nukissiorfiup pilersuinertik unitsissavaat. Nukissiorfiit ernialiisarnermut inatsit naapertorlugu pisinnaatitaapput eqqaasitsissummik nassitsinermut akiliummik akileeqqusissallutik. Akiliut ilanngunneqassaaq sullitaq akiligassamik tulluuttumik nassinneqarpat.
Matusinissamik nalunaarut	4.4 Matusinissamut ulluliussaq eqqaasitsissummi allassimasog nallertinnagu sullitaq, matunisinissamik nalunaarut nassiunneqassaaq. Tamatuma kingorna Nukissiorfiit

kalerreeqqaarnatik pilersuineminnik unitsitsisinnaapput. Pilersuinerup kingunerisinnaasai Nukissiorfiit susassarinnigilaat.

Matunissamik nalunaarut nassiunneqareerpat sullitaq pisussaavoq matusinermut aningaasartuutit akilissallugit, matusineq piviusunngorpat piviusunngunngippalluunniit.

Ammaaqqinneq

4.5

Akiliisoqareerpat Nukissiorfiillu akiitsumik akiliineq nalunaarsoreerpassuk pilersuineq aallarteqqinneqarsinnaavoq siusinnerpaamilli naatsorsuutigineqassaaq tamatuma ulluinnarmi siullermi pinissaa.

Nukissiorfiit ammaaqqinnissamut qinnuteqaat suugaluartorluunniit itigartissinnaavaat pilersuinerup matusinermut pissutaasimappat akiligassanik akiliinngitsoorsimaneq atuisutullu nutaatut nalunaarnikkut ammaanngissaaq anguniarneqarpat, akiligassat akilinngitsuuksat akileqqaarnagit. Periarfissaanngilaq ilaqquttat arlaannik atuisunngortitsinissaaq imaluunniit inoqutigiinnut ilaasup arlaat atorlugu, taamaaliornermi akiitsut akiligassat akilerneqarsimanngippata.

Ammaaqqinnermut akiliut

4.5.1

Pilersuinerup aallarteqqinneranut atatillugu akiliummik akiliisitsisoqassaaq, tak. Nukissiorfiit akiliutitut nalunaarsuiffiat atuuttoq. Pilersueqqilernerup aallartinnera suliffiup nalinginnaasup avataatigut pippat sullitaq immikkut akiliummik akiliisinneqassaaq.

Ammaaqqinnerup

teknikkimut tunngasortai

4.5.2

Pilersuinerup aallarteqqinnerani sullitap qulakkiigassaraa ikkussap inatsisit malillugit suliarineqarsimanera. Inussiarnersumik innersuussutigineqarpoq Nukissiorfiit nittartagaata takuneqarnissaa: www.nukissiorfiit.gl.

Pilersuineq unitsinneqarsimappat/matuneqarsimappat innaallagissamut uuttuutitut nalinginnaasunoortoq ullut 210-t tikillugit (Pilersuineq ≤ 63 A) uuttuut piiarneqassaaq, piiarnermullu akiligassiissut illuummik piginnittumut nassiunneqassalluni.

Uuttuutitut anginerusunut (Pilersuineq ≤ 63 A) pilersuineq unitsinneqarsimappat/matuneqarsimappat, uuttuut piiarneqassaaq piiarnermullu akiligassiissut illuummik piginnittumut nassiunneqassalluni.

Najukkamut pilersuinerup aallarteqqinnissaa kissaatigineqarpat, tamanna isigineqassaaq atuisutut nutaamik ikkussiffigitikkusunnertut.

Nukissiorfiit piumasarisinnaavaat ammaaqqinnginnermi ikkussukkap innaallagisserisumit akuerineqarsimasumit takusarneqarnissaa. Sullitap akisussaaffigai ikkussukkap takusarneqarnissaa immaqalu pitsanngorsarneqarnissaa akuerineqarnissaalu, tassunga ilanngullugit takusaanerup kinguneranik aningaasartuutinik akiliinissaaq.

Uuttuummik ikkusseqqinnissaaq sioqqullugu ikkussukkallu aallarteqqinnginnerani innaallagissiortup akuerisaasup ikkusssukkat atuisunngortussatut nalunaarutigeqqissavai www.eltimelding.dk aqqutigalugu.

**Allakkerisarfikkut
nassiussinermi
nalorninarsinnaasut**

4.6
Akiliinissamut eqqaasitsissut imaluunniit matusinissamik nalunaarut allakkerisarfikkut nassiussaq imaluunniit allatut illersorsinnaasumik nassiussaq kinguaattoornermik apuutinngitsoornermillu nalaanneqarsinnaanera Nukissiorfiit akisussaaffiginngilaat.

**Akilersuinermik
unitsitsineq
akiliisinnaajunnaarneq
assigisaalu**

4.7
Akilersuinermik unitsitsinermik, akiliisinnaajunnaarnermik toqusullu qimataanik suliaqartoqartillugu assigisaanilluunniit pisoqartillugu akiligassanik akileeqqusineq ingerlaannartarpoq. Akilersuinermik unitsitsinerup, akiliisinnaajunnaarnerup, toqusup qimataanik suliaqarnerup assigisaasalunniit aallartinneranit akiliinissamut ulloq killigitaq qaangerneqarpat pilersuinerup ingerlaannarnissaa taamaallaat pisinnaavoq, Nukissiorfinnit qulakkeerneqarsimappat pilersuinerup akilersuinerup ingerlaannarnissaa.

Qularnaveeqqusiineq

4.8
Atuisunngortitsinermi imaluunniit kingusinnerusukkat Nukissiorfiit pissutissaqarlutik isumaqarpata atuisup akiliisarnissamut pisussaaffini piffissaaq eqqorlugu naammassisinnaanaviangikkai, Nukissiorfiit pisinnaatitaapput qularnaveeqqummik akiliisitsissallutik imaluunniit allatut naammattumik isumannaallisaassallutik, imatut pisoqartillugu:

a: Nukissiorfiit tuniniaanermut pilersuinernullu piumasaqaataat naapertorlugit atuisup akiliisusnaanini siornatigut sumiginnartarsimavaa imaluunniit sumiginnagaraa

b: Atuisoq akilinngitsuukkanik akiitsoqarpoq.

c: Suliffeqarfiit pilersinneqaqqammersut sulilu
akiliisinnaassutsiminnik uppersaasinnaangitsut, soorlu
missingersuusianik allatulluunniit attuumassutilimmik
uppersaasiianik.

d: Inuit danskisut inuup normoqanngitsut imaluunniit Kalaallit
Nunaanni aalangersimasumik najugaqanngitsut.

Akiligassap annertussusissaa aalangersarneqassaaq
qaammatini tallimani atuisimaneq tunngavigalugu
missingiussinikkut. Nukissiorfiit qularnaveeqqusiissutit
utertillugit akilissavaat atuisoq ukiut pingasut ingerlaneranni
piffissaq eqqorlugu akiliisarsimappat.

Atuisoq qularnaveeqqutininik akiliinissaminik
piumasaqaateqarfigineqareerluni qularnaveeqqusiinngippat,
Nukissiorfiit pisinnaatitaaffigaat pilersuinerminik unitsitsinissartik,
atuisoq allaffigalugu unitsitsinissamik kalerrereerunikku.
Unitsitsinerup malitsigisinnaasai – siulianisut pisoqarsimappat –
Nukissiorfiit susassarinnigilaat.

5. Innaallagissamik pilersuinermi akigititat aalajangersaanerillu

Innaallagissamut akigititat

5.1
Akigititat atuupput Nukissiorfiit innaallagissiorfiinit pilersuinermit matussutitut, tak. Nukissiorfiit akigititanut allattorsimaffii atuuttut.

Innaallagissamut akigititat sullitanut 1-imiittunut

5.1.1
Sullitanut 1-imiittunut innaallagissamik pilersuinermit akilersuineq pissaaq akigititat taakkununga atuuttut malillugit.

Innaallagissamut akigititat sullitanut 2-miittunut

5.1.2
Sullitanut 2-miittunut innaallagissamik pilersuinermit akilersuineq pissaaq akigititat taakkununga atuuttut malillugit.

Innaallagissamut akigititat innaallagissamoortumik kiassaatinut qaminneqarsinnaanngitsunut (taamaallaat Nuummi atuupput)

5.1.3
Innaallagissamut akigititaq kiassaatinut innaallagissamoortunut qaminneqarsinnaanngitsunut atugassaavoq, inimi kiassaatinut erngullu imertakka kissanneranut. Kiassaatit innaallagissamoortut qaminneqarsinnaanngitsut nalunarsorneqartussaapput immikkut ikkussukkani innaallagissamoortumik kiassaammut atorneqartussami.

Akigititaq pineqartoq ikkussukkanut taamaallaat atorneqarsinnaavoq, kiassaatinut innaallagissamoortunut aalajangersakkat qaqugukkulluunniit atuuttut tunngavigalugit suliarineqarsimasunut.

Innaallagissamut akigititaq kiassaatinut innaallagissamoortunut qaminneqarsinnasunut atuuttoq (illoqarfinni nunaqarfinnilu sinnilimmik tunisassiorfi-usuni atuuppoq, nukissamik ataavartumik sinnilimmik peqarfiusumi)

5.1.4
Akigititami tassani innaallagissamut atuineq akilersinneqartarpoq, kiassarnermut atorneqartartoq allatut iliorluni kiassarnermut ilassutitut, nukissamik atuineq Nukissiorfinnit aquanneqarsinnaalluni.

Innaallagissamut uuttummik atuinermut akiliut

5.2
Innaallagissamut uuttummik ataatsimik atuinermut akiliisitsisoqartarpoq. Innaallagissamut uuttuutit suussutsinut marlunnut avinneqarsimasut ukuupput:

- *Innaallagissamut uuttuut:* innaallagissamut uuttuut kiassaatinut innaallagissamoortunut qaminneqarsinnaanngitsunut atorneqartartoq.

- *Utaqqiisaagallartumik uuttuut/sanaartornermi uuttuut:*
Utaqqiisaagallartumik iinnaallagissamut uuttuut,
sanaartorfinni assigisaanilu atorineqartartoq
innaallagissamut utaqqiisaagallartumik attavilikkani.

**Innaallagissamut
attavilerneqarnermut
akileeqataassut**

5.3

Innaallagissamut attavilerneqarnermut akileeqataassummik akiliisitsisoqartarpoq, tak. Nukissiorfiit akiliutinut allattorsimafiat atuuttoq. Attavilerneqarnermut akileeqataassut ilaatigut illumut attavilerneqarfimmu uuttuutillu ikkusimaffianik nakkutilliinermut akiliutaavoq. Innaallagissamut attavilerneqarnermut akileeqataassut ikkussukkat qanoq annertuginerat naapertorlugu akilerneqartarpoq. Ikkussukkap angissusaa pisariaqartitsineq aallaavigalugu aalajangerneqartarpoq ampere (A)uuttuutigalugu.

**Innaallagissamut
kiassarnermi
attavilerneqarnermut
akileeqataassut**

5.4

Immikkoortoq 5.3. innersuussutigineqarpoq.

**Sakkortussutsip
nikerarnera**

5.5

Atuisup innaallagissap aqqutaanik Ataatsimut Malittarisassani aamma Kalaallit Nunaanni innaallagissamut sakkortuumut atortut pillugit ataatsimut aalajangersakkat naapertorlugit, sakkortussutsip allanngorneranit akuerisaasumit annertunersumik artorsartitsippat piumaffigineqaraluarlunilu sakkortussutsip allanngortinnissaa iluarsinngippagu, Nukissiorfiit kVAh-mut uuttuummik ikkussititsisinnaapput taassumalu uuttortaanera malillugu akiliisitsinissaq piumasaralugu. Atuinermut kVAh-mut akigititatut atorineqassaaq atuisup kWh-mut akigititaq malillugu akilertagaa nalinginnaasoq.

*kVAh-mut uuttuummut
akiliut*

5.5.1

kVAh-mut uuttuummut immikkut akiliut immikkut akilerneqartarpoq atuisup kWh-mut uuttuummik akiliutaata angeqataanik.

*kVAh-mut uuttuummik
ikkussuineq*

5.5.2

Atuisup akiligassanneqarnermigut kVAh-mut uuttuutip ikkussornera akiligassaraa, tassungalu ilanngunneqartarpoq atuisunngornermut akiliut, tak. Immikkoortoq 2.1.

*kVAh-mut uuttuummik
peersineq*

5.5.3

kVAh-mut uuttuutip peerneqarnera atuisup akiligassinneqarnermigut akiligassaraa, tassunga ilanngullugu atuisuujunnaarnermut akiliut, tak. Immikkoortoq 2.2.

6. Akigititat imermillu pilersuinnermut aalajangersakkat

Imermut akigititat

6.1

Akigititat matussusertarpaat Nukissiorfiit imermut pilersuiffiinit imermik pilersorneqarneq, tak. Nukissiorfiit akigititanut allattorsimaffia.

Sullitat 1-mut imermut akigititat

6.1.1

Imermik pilersuinnermut akiligassat imermut akigititat sullitat 1-mut atuuttut malillugit akilersinneqartarput.

Sullitat 2-mut imermut akigititat

6.1.2

Imermik pilersuinnermut akiligassat imermut akigitat sullitat 2-mut atuuttut malillugit akilersinneqartarput.

Imermik pajunnermut akiliut

6.1.3

Imermik pajutsinneq akilersinneqartarpoq imermut akiliut immikkoortoq 6.1.1.-imi allassimasooq malillugu, tassunga ilanngullugu pajutsinnermut akiliut.

Imermik pajunnermut akiliut atuisunut nalinginnaasunut imiisivinnullu atuuttoq naatsorsorneqartarpoq pajuttuinnermut aningaasartuutit 50 %-ii matussuserneqartussanngorlugit.

Sumiiffinni immikkut ittuni imermik pajunnermut akiliut (tassunga ilanngullugit umiarsuarnut, sanaartorfinnut, qimminut) pajuttuinnerup nalinginnaasup pilersaarusiortarneranut ilaanngitsuni, akilersinneqartarpoq pajuttuinnermut aningaasartuutit 100 %-ii matussuserneqartussanngorlugit. Umiarsuarnulli anginerusunut tunissassanik imertaassuit atorlugit pajuttuinnermut aningaasartuutit matussuserneqartarput, Kalaallit Nunaat tamakkerlugu najukkami pajuttuinnermut aningaasartuutit tunngavigalugit.

Nukissiorfiit ukiumoortumik pajuttuinnermut naatsorsuutini suliaqartarput, ukiup siuliani najukkami pajuttuinnermut aningaasartuutaasimasutut naatsorsukkat tunngavigalugit. Najukkani imermik pajuttuineq namminersortumut suliaassiissutigineqarsimappat, pajuttuinnermut akiliut aalajangersarneqartarpoq Nukissiorfiit akiligitaat atuuttut tunuliaqutaralugit. Imermik pajuttuinnermut akiliutit saqqummersinneqartarput Nukissiorfiit nittartagaanni: www.nukissiorfiit.gl.

Pajuttuinnermut akiliut taakkartorneqartoq taamaallaat atuuppoq nalinginnaasumik pajuttuinnermut, tak. immikkoortoq 1.2.2. Imertaassuit atorlugit immikkut pajuttuinnermut pajuttuinnerup nalinginnaasup avataatigut pisumut akiliisitsisoqartarpoq.

Imermik pajutsinnissamut atuisunngorluni atuisuujunnaarlunilu nalunaarnerit, immikkut pajutsinnissamik pisariaqartitsinerit imaluunniit piffissap ilaani atuisuujunnaarallarnissamik nalunaarnerit allaganngorlugit imaluunniit Nukissiorfiit Atuisunut nittartagaa aqutigalugu pisassapput. Atuinnermut akiliut avaqqullugu immikkut pajutsinnissaq pisariaqartinneqarpat tamanna immikkut pajutsinnertut isigineqassaaq. Pajutsinnissamik taamaatitsinerit kingusinnerpaamik pisassapput ulluinnarni nalinginnaasumik pajutsinnissaq ullunik marlunnik sioqqullugu – taamaanngippat pajutsinnermut akiliisitsisoqassaaq.

Illumi attavik

*Nukissiorfinnit pigineqartoq
aqutigalugu
pajutsinnermut akiliut*

6.1.4

Imermik pajutsinneq akilersinneqassaaq imermut akiligitat immikkoortoq 6.1.1.-imi allassimasut malillugit, pajutsinnermut akiliut ilanngullugu.

Imermut tankimut pajutsinnermut akiliut illumut attavik Nukissiorfinnit pigineqartoq aqutigalugu pisoq, imatut akiligassiissutigineqartarpoq:

Attaviup akia aalajangersarneqartarpoq meterimut ingerlaarfianut aningaasartuutit missingiullugit aamma attavimmut ataatsimut aningaasartuutitut missingiussat ilanngullugit.

Illumut attaviit tamarmik inoqutigiinnut toqqakkat tamanut akigitatut aalajangersagaq malillugu akeqartinneqartarput, sanaartornermullu aningaasartuutit ataatsimut katinneqassallutik.

Sanaartornermut aningaasartuutissatut naatsorsorneqarsimasut 10 %-imik ilaneqassapput aserfallatsaaliuinnermut aningaasartuutitut matussutissanik kiisalu 10 %-it Nukissiorfiit immiineranni ventilimut unitsitsisartumut kiffartuussinnermut aningaasartuutaannut matussutissaattut.

Sanaartornermut aningaasartuutit tamarmiusut maanna marlunnut avinneqassapput (affai Nukissiorfinnit akiligassaallutik) atuisullu akiligassaat naligiimmik agguanneqassapput, ukiuni 20-ni akilersorneqartussanngorlugit.

Taava atuisut sanaartornermut aningaasartuutitut akiligassaat ukiumoortumik nalikillilernerneqassapput, illuni toqqakkani ukiup siuliani imermik atuinnerup tamarmiusup agguaqatigiissinneratigut, taamaaliornikkut pissarsiarneqassalluni imermik kubikmeterimut atuinnermut akiliut.

Illoqarfimmi pajutsinnermut akiliut tassaajuassaaq atuisut siulliit
imermik pajutsinnerminnut akiliutigisarsimasaat.

Taassuma saniatigut illumik atuisup pisussaaffigaa illumi
attaviup innaallagissamoortumik qerinaveeqquserneranut
innaallagissamik atuineq.

**Imermut uuttuummut
akiliut**

6.2
Imermut uuttuummut ikkussorneqarsimasumut akiliut
akilerneqartartussaavoq.

**Imermut
attavilerneqarnermut
akileeqataassut**

6.3
Imermut attavilerneqarnermut akileeqataassummik
akiliisitsisoqartarpoq, tak. Nukissiorfiit akigititanut
allattorsimaffiat atuuttoq. Attavilerneqarnermut
akileeqataassummi matussuserneqarsimapput illumut
attavimmik qerinnaveeqqummillu innaallagiatortumik
nakkutilliinerit kiisalu uuttuutip ikkussimaneranik nakkutilliineq.

7. Ungasianit kiassarnermik pilersuinermi akigititat aalajangersakkallu

Ungasianit

kiassarnermut akigititat

7.1

Akigititani matussuserneqartarput ungasianit kiassarnermik atuineq kiassaateqarfinneersoq, tak. Nukissiorfiit akigititanut allattorsimaffiat atuuttoq.

Ungasianit kiassarnermut akigititaq

7.1.1

Ungasianit kiassarnermik atuineq akilersinneqartarpoq ungasianit kiassarnermut akigititaq malillugu. Akigititaq MWh-imut allanneqartarpoq (1.000 kWh).

Ungasianit kiassarnermut kajumissaarummut akigititaq

7.1.2

Nukissiorfiit 01.01.2027-imit atuutilersissavaat ungasianit kiassarnermut kajumissaarummut akigititaq, akiliummit akilernerqartartussat imaluunniit kiassarnermut akiligassakkoortitamik akikilliliiffineqarsinnaaeq, procentikkuutaartumik qanoq kiatsigisumik atuinermik naatsorsuinikkut, minnerpaamik 30°C -imik piumasaqaatip avataatigut, nillorsernera 38°C.- imit pitsaaneruppat. Akiliut akikilliliissulluunniit imatut naatsorsorneqassaaq:

$Akiliut = A * (30^{\circ}\text{C} - T_{nill.}) * Q_{kiak} * Akigititaq_{kiak}$	Imaappat $T_{nillorsigaq} < 30^{\circ}\text{C}$
$Akiliuteqanngilaq/Akikilliliissuteqanngilaq$	Hvis $30^{\circ}\text{C} < T_{afkøling} < 38^{\circ}\text{C}$
$Akikill. = A * (T_{nill.} - 38^{\circ}\text{C}) * Q_{kiak} * Akigititaq_{f_{kiak}}$	Imaappat $T_{nillorsigaq} > 38^{\circ}\text{C}$

Sumi

A:	Kajumissaarutip akigititaanut pissut	(%/°C)
Q_{kiak} :	Kiassarnermik atuineq	(kWh)
$Akigititaq_{f_{kiak}}$:	Kiassarnermut aki	(kr/kWh)
$T_{nill.}$:	Nillorserneq qaammammut	(°C)

Nillorsernermut akigititamut-pissut, A, Nukissiorfiit akigititaanni aalajangersarneqassaaq.

Kajumissaarummut akiliut/akikilliliissut annerpaamik kiassarnermut akiliutip 30 %-iterisinnaavaa.

Ungasianit

kiassarnermut

qamittakkamut akiliutit

7.2

Akiliummit matussuserneqartussaapput uangasianit kiassarnermik qamittakkamik Nukissiorfinniit atuisumut pilersuineq.

Ungasianit kiassarnermut qaminneqarsinnaasumut akiliut

7.2.1

Ungasianit kiassarnermut qamittakkamut akiligassat

akilerneqartassapput ungasianit kiassarnermut qamittakkamut akigititat malillugit. Akigititaq MWh-imoortuussaaq (1.000 kWh)

**Kiassarnermut
uuttuummik atuisutut
akiliut**

7.3

Kiassarnermut uuttuummik ikkussamut akiliummik akiliisoqartassaaq. Tamanna atuuttussaavoq ugasianit kiassarneq imaluunniit ungasianit kiassarneq qaminneqarsinnaasoq pineqarpata.

**Ungasianit
kiassarnermut
attavilerneqarnermut
akileeqataassut**

7.4

Atuisut pisortat ungasianit kiassarnermik pilersuinerannut ilanngukkusuttut attavilerneqarnermut akiliummik akiliissapput, tak. Nukissiorfiit nittartakkaminni ungasianit kiassarneq pillugu aalajangersagaat:

Attavilerneqarnermut akileeqataassummit matussuserneqartarput ungasianit kiassaarnermi aqqummut pingaarnermut attavilerneqarneq aamma attaviup ventiliinik qamitsisarnerit. Akiummiipput akileeqataassut aalajangersimasooq, aalajangiisuusarluni qanoq ruujorilersugaaneq kiisalu meterimut akigititaasoq, ruujurilersugaanerup attavilerneqarsimanerullu takissusii malillugit assigiinngisitaartuusinnaasut. Attavilerneqarnermut akileeqataassut aalajangersimasuusarpoq ruujorilersugaaneq 25 meterit tikillugit takissuseqarpat aamma attavimmut aqqaataa takissusaa 25 meterinit takineruppat. Tak. Ungasianit kiassarnermut akit pillugit aalajangersakkat nittartakkamiittut:

<https://nukissiorfiit.gl/da/Produkter/Varme/Fjernvarme>

8. Ataavartumik nukissiornermut atortut: Akigititaq attavilerneqarnermullu akileeqataassut

AN-mut akigititat

8.1

Nukissamut ataavartumut akigititat (AN-mut akigititat) tassaapput Nukissiorfiit akigititaat, Nukissiorfiit namminersortut ataavartumik nukissiornerminni sinnilimmik pigisaannit pisiareqqitaasut. AN-mut akigititat annertussusaat Nukissiorfiit akigititanut allattorsimaffianni atuuttumi takuneqarsinnaapput.

Akigititaq 1

8.1.1

Illoqarfinni/nunaqarfinni AN-mut atortunit nukissaq sinneqartoorutaasooq kWh-imut akilersinneqartarpoq, pilersuisooq pingaarneq tasaanani erngup nukinganit nukissiorfik imaluunniit ataavartumik nukissiorfiit allat. Nukissiorfiit aammattaaq toqqaasinnaapput sumiiffinnik neqerooruteqarnissamik, namminersortut ataavartumik nukissiornermut atortut iluaqutigalugit Nukissiorfiit uuliamik atuinerannik toqqaannartumik annikillisaataasinnaasunik.

Akigititaq 2

8.1.2

Nukik sinneqartoorutaasooq Nukissiorfiit illoqarfinni/nunaqarfinni pilersuiffiit tunniunneqaraangat, tassani pilersuineq pingaarneq erngup nukinganit nukissiorfimminngaaneersuulluni imaluunniit ataavartumik nukissiorfiit allaneersuulluni, tamanna pisarpoq Nukissiorfiit akiliisinnagit.

Attavilerneqarnermut akileeqataassut

8.2

Attavilerneqarnermut akileeqataassut tassaavoq ataavartumik nukissiornermut atortuniit Nukissiorfiit pilersuiffiannut attavilerneqarnermut akiligassaq.

Attavilerneqarnermut akileeqataassut akilerneqartarpoq aalajangiisuutillugu AN-mut atortup qanoq angitiginera, uuttuutigalugu AN-mut atortup kW-mut pisinnaasaa. Attavilerneqarnermut akileeqataassumut siumoortumik akiliinikkut atuisup AN-mut atortua pilersuivimmut attavilerneqarsinnaavoq. Attavilerneqarnermut akileeqataassutip annertussusia Nukissiorfiit akiliutinut allattorsimaffianni atuuttuni takuneqarsinnaavoq.

Attavilerneqarnermut akiliut 1

8.2.1

Akiliut atuuppoq ikkussukkanut 0-6 kW-ip akornanni sakkortussusilinnut.

Attavilerneqarnermut akiliutit taamatut annertussusillit aalajangersimasunik akeqartarput.

*Attavilerneqarnermut
akiliut 2*

8.2.2

Akiliut atuuppoq ikkussukkanut 6 kW-mit sakkortunerusunut 50 kW-lu ataallugu sakkortussusilinnut.

Attavilerneqarnermut akiliutit taamaattut aningaasartuutiviit najoqqutaralugit akilersorneqartarput, akimilli minnerpaaffiliisoqartussaalluni.

*Attavilerneqarnermut
akiliut 3*

8.2.3

Akiliut atuuppoq ikkussukkanut 50 kW-mit sakkortunerusunut.

Attavilerneqarnermut akiliutit taamaattut aningaasartuutit najoqqutaralugit akilersorneqartarput, akimilli minnerpaaffiliisoqartarluni.

9. Akisussaaffik

Ingerlatsinermi ajoqutitut akisussaaffik

9.1

Nukissiorfiit tamatigut innaallagissamik, imermik kiassarnermillu pilersuinerminni naammaginatut ingelatsinissartik anguniagaraat.

Nukissiorfiit innaallagissamik, imermik kiassarnermillu pilersuinerminnik unitsitsigallarnissamut imminnut pisinnaatipput – sapinngisamik siumoortumik kalerrisaaruteqareennikkut pisartumik. Ajutoortoqarneranut atatillugu sivikitsumik, pisariaqartumilli pilersuinermit unitsitsinerit siumoortumik kalerrisaarutigineqaratik pisarsinnaapput.

Taamaattoqartillugu innaallagissamik pilersuiffik inummik pigisanilluunniit ajoqusiipput, Sanaartukkat innaallagissamut sakkortuumut atugassat atortullu innaallagiartortut pillugit Inatsisartut peqqussutaanni (kingusinnerusukkat allannguutilik) nr. 12, 3. november 1994-imeersumi § 16 atuutilissaaq.

Nukissiorfiit ingelatsinermit annaasanut, iluanaarutitigut annaasanut imaluunniit ingelatsinermit ajoquteqartoqarnerata kinguneranik toqqaannanngitsumik annaasanut allanut akisussaasuunngilaq, Nukissiorfinni mianersuaallioru-jussuarnep kinguneranik ajutoorneq pisimanngippat. Taamaattumik inuussutissarsiortut kajumissaarneqarput ingelatsinermit annaasanut inuussutissarsiornermullu sillimmaeqarnissaannik.

Sunniuteqarfigi- sinnaanngisat /Force majeure

9.2

Pinngortimi ajunaarnersuit, sorsunnerit, pikitsitsinerit, aserorterinerit, ikuallannerit, qaartoornerit, suliffimmi aaqqiagiinnginnerit imaluunniit pissutsit allat Nukissiorfinnit suneqarsinnaanngitsut kingunerisaannik pilersuineq unittuussagaluarpas tamanna Nukissiorfiit akisussaaffiginngilaat.

Nuussineq iml. Pilersuivimmik allannguneq (pis summut tunngavigisaq)

9.3

Nukissiorfiit pilersuiviat atortuilluunniit allat allannguuteqassappata imaluunniit nuunneqassappata, piginnittup, atuisup pisortalluunniit piumasaqarnerisigut taakkuluunniit iliuuseqarnerisigut, tassunga atatillugu Nukissiorfiit aningaasartuutaat tamaasa peqqusisup akilissavai.

Teknikkikkut pissutsit tamanna pisariaqartilerpagu Nukissiorfiit pisinnaatitaapput piginnittumut/atuisumut aningaasartuutaanngitsumik Nukissiorfiup pilersuivianik tassungalu atasumik attaveqaataanik piusunik illuummiittunilluunniit allanngortitsinissaminut imaluunniit nuussinissaminut. Tassunga

atatillugu piginnittoq atuisinnaanerminik killiliiffigineqarnini
persaqquersorneqarnininilu uppersarsarsinnaallugit
taarsiivitinnissaminut piginnaatitaappat piumasaqaateqarlunilu,
taarsiinissaq isumaqatiginninniutaassaaq taarsiivigitinnerlu
ileqqusut malillugit pissalluni.

10. Saaffiginnissuteqarneq

Saaffiginninneq

10.1

Atuisoq sullinneqarnerminut tunngasunik apeqqutissaqaruni
Nuummi qitiusumik allaffeqarfimmi saaffiginnittarfimmut
saaffiginnissinnaavoq, akeqanngitsumik sianerluni 80 11 50-imut
imaluunniit e-mailikkut saaffiginnilluni uunga:
kundeservice@nukissiorfiit.gl.

Atuisup allagai uunga nassiunneqassapput: :

Nukissiorfiit
Call Center
Issortarfimmut 3
Postboks 1080
3900 Nuuk

11. Maalaarfissaq

Maalaarfissaq

11.1

Atuisoq Nukissiorfiit sullissinerinik, akiligassiinerinik il.il.
naammaginninngippat, tamanna suliassaqarfimmi
naalakkersuisoqarfimmut naammagittaalliutigineqarsinnaavoq.